

Pravila nagradne igre “ PILI I BINGO TE VODE NA LJETOVANJE! ”

1. Organizator

Kompanija CIBOS d.o.o. Sarajevo, Podružnica Banja Luka, Pilanska bb, Banja Luka, ID broj: 4200223020031 (dalje u tekstu: Organizator) je organizator nagradne igre pod nazivom: "PILI I BINGO TE VODE NA LJETOVANJE!". Nagradna igra se priređuje sa ciljem promocije robne marke Pili, a ograničena je na trgovački lanac BINGO (dalje: Partner).

Nagradna igra priređuje shodno članku 95. Zakona o igrama na sreću ("Sl. glasnik RS", br. 22/2019 i 131/2020).

2. Trajanje

Nagradna igra započinje 01.05.2024. godine i traje do 31.05.2024. godine (uključivo), a odnosi se na sve prodavaonice trgovačkog lanca Bingo na području Republike Srpske.

3. Pravo na učešće

U promotivnoj nagradnoj igri mogu učestvovati sve fizičke osobe koje imaju prebivalište na području RS-a Bosne i Hercegovine. Pravo na učešće nemaju osobe koje su uključene u organizaciju nagradne igre, a posebno osobe zaposlene kod Organizatora ili Klijenta ili Partnera, kao i članovi njihove uže porodice. Za sudjelovanje maloljetnika saglasnost mora dati roditelj ili osoba koja je u skladu sa zakonom ovlaštena o njoj se starati i zastupati je. Maloljetnik može biti dobitnik nagrade i primiti osvojenu nagradu prema zakonom propisanim uvjetima, odnosno ukoliko je skrbnik maloljetnika prihvatio nagradu, time je izrazio svoju saglasnost s Pravilima te nagradu u ime maloljetnika i preuzima.

4. Proizvodi koji učestvuju u nagradnoj igri

U nagradnoj igri sudjeluju proizvodi tržišne marke Pili, a to su: Super Pili 320 g, Pili light 320 g i Pili đaćka 320 g.

5. Učestvovanje

Kupovinom bilo kojih proizvoda navedenih u točki 4. Pravilnika, u prodajnim objektima BINGO d.o.o., sa evidentiranom kupovinom na računu te ispunjenim ličnim podacima na poleđini računa (ime, prezime, adresa prebivališta i broj telefona) ostvaruje se mogućnost učestvovanja u nagradnoj igri. Svaka osoba može učestvovati sa više računa. Svaki pojedini račun može biti iskorišten odnosno prijavljen za ovu nagradnu igru samo jednom. Učesnik je dužan račun sa evidentiranom kupovinom proizvoda te točno ispunjenim ličnim podacima na poleđini računa ubaciti u kutiju koja će biti na vidljivom mjestu u trgovini u kojoj se kupovina i obavi.

Svi zaprimljeni računi nalazit će se pod kontrolom Organizatora i bit će odbijeni ako postoji osnovana sumnja u njihovu valjanost ili ako ne udovoljavaju uvjetima za sudjelovanje kako je navedeno ovim pravilima.

6. Izvlačenje nagrada

Izvlačenje svih nagrada održat će se 08.06.2024. u Hipermarketu BINGO Banja Luka u 14:00 h. Izvlačenje će nadgledati tročlana komisija koju odabere Organizator u suradnji s Partnerom. Odluka komisije je konačna i obavezujuća. Prilikom izvlačenja bit će izvučen jedan dobitnik za svaku nagradu, s tim da će se dobitnici nagrade izvlačiti sljedećim redoslijedom: glavna nagrada je vikend za 2-4 osobe u hotelu Flora u Tučepima, RH, druga nagrada je Samsung pametni sat, treća nagrada su dva Nescafe Dolce Gusto aparata za kafu, četvrta nagrada je Bingo poklon bon od 300 KM i peta nagrada su tri Pili poklon paketa.

Ukoliko jedna osoba bude izvučena dva ili više puta, bit će dobitnik nagrade za koju je prvi put izvučena.

Učesnici mogu učestvovati sa neograničenim brojem računa koji zadovoljavaju sve uslove iz članka 5. Nepotpuna ili prijava na koje postoji osnovana sumnja u valjanost ne može učestvovati u nagradnoj igri niti učesnik na osnovu takve prijave može osvojiti nagradu.

7. Nagradni fond

Ukupna približna nabavna vrijednost nagradnog fonda je 3.000 KM. Nagradni fond čini ukupno 8 nagrada i to:

NAGRADA		JEDINIČNA VRIJEDNOST U KM	UKUPNA VRIJEDNOST U KM
Vikend za 2-4 osobe u hotelu Flora, Tučepi, RH	1	1.500,00	1.500,00
Samsung pametni sat	1	540,00	540,00
Nescafe Dolce Gusto aparat za kafu	2	255,00	510,00
Bingo poklon bon od 300 KM	1	300,00	300,00
Pili poklon paket	3	50,00	150,00
TOTAL			3.000,00

Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. Nagrade se ne mogu zamijeniti za novac, druge proizvode ili usluge. Sve nagrade uključuju porez na dodanu vrijednost kojeg plaća Organizator. Fotografije svih nagrada na svim promotivnim materijalima su simbolične i služe samo za informativne svrhe.

8. Obavještanje dobitnika i uručenje nagrada

Svi dobitnici nagrada bit će obaviješteni putem telefona. Ukoliko se ne javi u roku 30 dana od inicijalnog poziva, Organizator se oslobađa odgovornosti predaje Nagrade. Preuzimanjem nagrade od strane učesnika prestaju sve obveze Organizatora prema njemu. Pravo na preuzimanje nagrade može se prebaciti na treće lice putem punomoći nagrađenog pred nadležnim sudom.

Svi dobitnici će preuzeti svoje nagrade u skladu sa dogovorom s Organizatorom, a po predodjenju osobnih dokumenata te najkasnije 30 dana od dana obavještenja dobitnika odnosno stupanja u kontakt.

Pravila nagradne igre, kao i rezultati izvlačenja i imena dobitnika bit će objavljena u dnevničkim novinama Glas Srpske. Pravila će također biti objavljena na web stranicama www.bingobih.ba, www.pili.ba te na društvenim mrežama Binga i Pilija.

Objava pravilnika nagradne igre je najmanje sedam dana prije početka nagradne igre. Suglasnost na ova pravila dana je Rješenjem Ministarstva financija Republike Srpske broj 06/4-463-0987-1/24 od 02.04.2024. godine.

9. Porez i odgovornosti

Organizator je odgovoran za sve poreze, naknade ili dažbine u vezi s nagradom u skladu sa Zakonom o igrama na sreću, poglavlje 12. ("Sl. glasnik RS", br. 22/2019 i 131/2020). Nagrade se ne mogu prenijeti niti ustupiti drugima prije nego što se izvrši njihovo uručenje dobitniku, osim po specijalnoj punomoći.

Učesnik se slaže da Organizator, Partner ili koje s njima povezano društvo neće biti odgovorni za funkcionisanje ili upotrebu nagrade. Učesnik prihvata da gore navedeni subjekti nisu, niti će na bilo koji način biti odgovorni za ikakve obaveze, garanciju ili jamstvo koji bi, bilo po zakonu ili po prirodi stvari, mogli nastati u vezi s bilo kojom nagradom, što uključuje, ali se ne ograničava na kvalitet, mehanička svojstva ili prikladnost nagrade.

10. Osobni podaci

Prije prijave na nagradnu igru Učesnik potvrđuje da je upoznat sa Pravilima i uvjetima prikupljanja i obrade njegovih osobnih podataka. Organizator će za potrebe sudjelovanja na nagradnoj igri od Učesnika prikupljati Ime i prezime i mjesto prebivališta. Svi osobni podaci Učesnika koji se prikupе tijekom nagradne igre isključivo se koriste u svrhu provođenja i realizacije nagradne igre. Organizator će od dobitnika prikupiti i dodatne osobne podatke: adresa i broj telefona kako bi osvojenu nagradu mogao isporučiti dobitniku. Osobni podaci učesnika brišu se odmah po završetku nagradne igre, a dobitnika se čuvaju se najduže 5 godina od završetka nagradne igre, poslije čega se trajno brišu. Učesnik je slobodan u svakom trenutku tražiti od Organizatora ili Partnera da prestane sa obradom njegovih osobnih podataka slanjem maila na info@cibos.ba i prihvaća da takvo uskraćivanje može rezultirati nemogućnošću sudjelovanja u nagradnoj igri. Osobne

podatke Učesnika će obrađivati Organizator, te će iste dijeliti sa Klijentom. Organizator će poduzeti sve potrebne korake u organizacijskom i tehničkom smislu kako bi zaštitio osobne podatke Učesnika u skladu sa važećom regulativom.

Učesnik je dužan prilikom davanja podataka dati istinite, tačne i potpune kontakt podatke o sebi. Učesnik je suglasan da ga Organizator kontaktira koristeći njegove kontakt podatke. U slučaju nedostupnosti Učesnika iz bilo kojeg razloga, uključujući netačne podatke ili nemogućnost uspostavljanja kontakta, postupit će se u skladu sa odredbom člana 8. Pravila.

Podnošenjem prijave Učesnik potvrđuje da je obaviješten o prikupljanju i obradi osobnih podataka. Učesnik može dobiti detaljnije informacije o obradi osobnih podataka od strane Organizatora putem Obavijesti o zaštiti podataka objavljenim na službenim stranicama Organizatora.

11. Otkazivanje

Organizator zadržava pravo da prekine nagradnu igru u slučaju okolnosti za koje Organizator nije odgovoran, odnosno koje nije mogao spriječiti, otkloniti ili izbjeći, u kojem slučaju se oslobađa svih mogućih nastalih obveza prema učesniku. Organizator ne snosi nikakvu odgovornost zbog tehničkih problema ili grešaka u unosu podataka i drugih razloga koji ne ovise od Organizatora. Učesnik koji sudjeluje u nagradnoj igri prihvata prava i obveze ovih Pravila. Organizator zadržava pravo promjene Pravila uz prethodnu saglasnost Ministarstva Finansija Republike Srpske, o čemu će svi učesnici biti pravovremeno obaviješteni objavom u dnevnim novinama. Odluke Organizatora donesene prema Pravilima o provođenju nagradne igre konačne su i obavezujuće za sve učesnike. U slučaju spora između Organizatora i Sudionika nadležan je Općinski sud u Banja Luci.

02-03/24

26.03.2024. godine

CIBOS d.o.o. Sarajevo – Podružnica Banja Luka